


■ NUA È QUAI? – LIGN DAL MAIS



Nua è quai?

FOTO SUSI ROTHMUND

A la riva da la mar

SUSI ROTHMUND/FMR

■ «Lungs dis al sulegl» ha il titel dal lign dal mais november empermess. Mussà avevan nus ina foto dal vitg da Ftan. Ed er sche nus n'avain betg mussà la bellezza culissa da culms è quai stà cler per quasi tut ils participants – quai è Ftan en l'Engiadina Bassa. Ftan dumbra bel e bain 500 abitantas e abitants e fa part da la vischnanca da Scuol. Enfin ils 31 da december 2014 era Ftan ina vischnanca autonoma. Il 1. da schaner è Ftan vegnì fusiunà cun las quatter vischnancas Ardez, Guarda, Sent e Tarsasp en la vischnanca da Scuol. Ftan è situà sin 1648 meters sur mar sin ina terrassa sulegliava cun survista maiestusa. Da bell'aura pon ins giudair a Ftan lungs dis al sulegl. Las fracziuns las pli grondas èn Ftan Grond e Ftan Pitschen. La gronda

part dils da Ftan discorra Vallader. Il lieu è er enconuscent pervi dal Institut aut-alpin Ftan. Cun il territori da skis Motta Naluns è Ftan er in lieu turistic. Il vitg da Ftan è vegnì destrui da lavinas il 1682 e 1720. Incendis dal vitg han destrui Ftan il 1723, 1794 ed er il 1885. 1875 èsi vegnì cumenzà a construir paralavinas ed i è vegnì fatg emplantaziuns.

Davos lign dal 2020

Co fiss quai sche la Surselva fiss in lai u ina mar? Probabel er fitg bel, be senza vitgs e mo la pizza cucegiass ora. Ina idea co quai pudess esser, ha la mar da nivels dals 29 da november dà. Bel ed er in zichel mistic – u betg? Ma nua èn ils vitgs. Il piz Muraun la Garvera ed il Pazzola duain esser indizis per schliar il lign. La dumonda è numnadamain nua che la fotografia era cura ch'ella ha fatg la fotografia. Sin tge alp

u almain en tge vischnanca han ins questa bella vista sin la mar da nivels?

Grazia als sponsurs

Fitg bleras cartas postalas èn arrivadas cun la dretga soluziun «Ftan» e perquai è la diala da la fortuna puspè stada obligada da trair la sort per ils bels premis. Ils premis dal lign dal november vegnan tramess tiers als victurs directamain da noss sponsurs, quai succeda proximamain. Igl è adina puspè satisfaschant d'astgar regalar als victurs in premi pli bel ed attractiv che l'auter. Sa participar al lign sa paja probablamain baud u tard er per vus e vus pudais giudair in u l'auter premi. Perquai n' emblidai betg da scriver sin ina carta postala il num da l'alp u da la vischnanca che nus tschertgain oz. Nudai vossa adressa cun numer da telefon e trametatei quella enfin ils 15 da schaner dal 2021

a: Fundaziun Medias Rumantschas FMR, Susi Rothmund, Via Foppa 15, 7176 Cumpadials. Anecdotes ed istorgias ch'han in connex cun questa alp u la mar en Surselva èn sa chapescha er giavischadas e bainvegnidas. Grazia a noss generus sponsurs savain nus danovamain porscher attractivs premis per ils victurs dal lign mensil: Dues cartas dal di da la Skiarena, duas cartas dal di regaladas dal territori da skis Mustér 3000, ina carta dal di dal territori da skis en Val S. Pieder regalada da las Penticularas Vals3000, in bon en la valita da 36 francs (entrada en il parc da sugas) dal Center da sport a Flem, in bon en la valita da 30 francs da Tea Time by Miraval a Sumvitg ed incudesch u in disc cumpact regalads da la Lia Rumantscha. La soluziun vegn publicada la fin da schaner 2021 cun il proxim lign. Buna fortuna!

Ils victurs

- 1. premi:** Giulia Caduff, Laax (2 cartas dal di da la Skiarena Andermatt Sedrun)
- 2. premi:** Serafina Häni-Manetsch Meilen (2 cartas dal di da las Penticularas Mustér 3000)
- 3. premi:** Ulrica Derungs, Vignogn (1 carta dal di/Penticularas Vals3000)
- 4. premi:** Claire Gabriel, Breil (1 bon d'entrada en il parc da raiver dal Center da sport a Flem)
- 5. premi:** Flurina Steger, Müstair (1 bon da 30 francs da Tea Time by Miraval)
- 6. premi:** Elisabeth Sgier, Lumbrein (1 cudesch u disc cumpact da la Lia Rumantscha)

Fundà l'uniun «Cultura – Stgomi cultural»

Il chor per giuvenils Incantanti sa posiziunescha da nov

(bt/cdm) Ils 8 da fanadur da quest onn è vegnida fundada l'uniun da promoziun «Cultura – Stgomi cultural». La supranza da tala vegn manada dal renumà chirurg ed anteriur directur da la clinica chirurgica da l'ospital d'uffants da Turitg, *Martin Meuli*. Il nativ Grischun sustegna da cuminanza cun ina supranza cumpetenta las stentas da l'uniun. Vinavant sa cumpona la supranza da *Stefan Schena*, parsura da l'assicuranza da mal-sauns, Landquart, da *Barbara Janom Steiner*, anteriura cussegliera guvernativa, Scuol, d'*Alois Bearth*, cussegliader d'interpresas e mainagestiu finanziaal da la Somedia sco er da *Claudia Züllig*, la cunpatruna dal hotel Schweizerhof a Lai. Cun quai vegn timunà l'uniun da promoziun dal chor da giuvenils Incantanti d'in vast gremi supportiv.

La finamira principala da «Cultura – Stgomi cultural» è da sustegnair da maniera perdurabla la musica, l'art e la cultura grischuna, da promover quels champs e d'intermediar stgomis. L'accent vegn mess sin il champ da la musica choral e la promoziun dal chant da giuvenils. Perquai s'engascha l'uniun en fa-

vur da l'avegnir da l'ensemble vocal Incantanti. «Nus essan persvas da la gronda muntada da la cultura grischuna ed en spezial quella dal chant choral. Cun l'uniun da promoziun vulain nus stgaffir structuradas adattadas e pussaivladads da produziuns culturalas», di *Christian Klucker*, dirigent e fundatur dals chors dals Incantanti.

L'ensemble vocal Incantanti è vegnì fundà ils 2002. El concertescha cun programs chantads a chapella. Per part vegnan tals er inscenads. Ultra da diversas produziuns concertantas èni vegnids onurads cun divers premis a chaschun da concurrenz internaziunals sco p. ex. cun il titel «Campiuns europeans» dals 2017 a Riga. Cun quai è Incantanti in dals 25 megliers chors mundials.

Il dirigent Christian Klucker porscha dentant er als talents giuvenils ina plattafurma cun ses «Incantanti verdins». En cumbinaziun cun ils «Incantanti seniors», ils anteriurs chantadurs dal chor Incantanti, dastgan ins s'allegrar da musica d'aut nivel performada dals giuvenils talents chantadurs da tut ils chors d'Incantanti.

■ ADVENT

Il bambin sa vegnir

(fmr/cm) Ina stalla da Nadal bein ornada en stiva d'ina lectura.

Las figuras ein fatgas a maun e cun bia carezia pil detagl.



FOTO CARMEN MONNI